山庫全幸

史部

欽定四庫全書金石文考界卷二

史部

詳校官編修臣潘廷筠

編修臣程嘉謨覆勘 總校官中書日朱

對官助教臣羅萬選 腾绿监生臣他景霓

校

鈴

欽定四庫全書 金石文考畧 提要 國朝李光嶼撰光與字子中嘉與人嘉與之收 藏金石者前有曹溶古林金石表後有朱鵐 臣等謹案金石文考界十六卷 **暎光與遂東輯所得集諸家之論而為此書** 尊吉金貞石志桑尊所藏金石刻又歸於光 金石文考器 史部十四 目録類二金石之屬

欽定四庫全書 論說不及此書之有係理至吉金貞石志未 前有雍正七年金介復序稱其不減曹氏古 見傳帙疑異尊當日本未成書而此書內乃 十種文集地志說部之書又六十種可謂勤 有引吉金貞石志一條則或存其殘稱之什 林之富然古林金石表問有參差矛盾且無 且博矣惟於濟寧諸碑不引張殆釋文於天 一未可知也所採諸家集銀金石之書凡四 提!

こううう 2.14.17 引不及十之一於集古金石二銀所引亦不 之書問有光與自識者什一而已金石著録 碎而為之是書亦同此式每條下各注所出 之富無過歐陽趙洪三家而是書於隸釋所 皆自據見聞為之評說惟宋陳思寶刻叢編 發神識碑不引周在沒釋文於蘭亭序不引 俞松續考是為漏畧耳自昔著錄金石之家 書則雜取諸道金石銀復齊碑録諸書會 金石文考署

欽定四母全書 校上 則取趙岻之論雖同一著録金石而著書之 書跡為主故於漢隸則宗鄭簠之評於唐碑 益諸書以及證史事為長而是書則以品 甚詳至隸續暨婁機漢隸字原則皆未之及 宗吉則固區以别矣乾隆四十三年七月恭 提要. 總禁官紀的陸親照孫士毅 官 陸 墀

人已日草公言 出把玩乃偕其姊夫王子典在博采諸家之論録之以 金石文字自謂平生之欲存馬計積累所収碑刻捐本 貨利擔然皆無所欲獨於書籍及名流筆墨遺跡與夫 為累也視所欲何如耳觀妙主人李子子中一 七情欲居其一 视曹氏古林金石表不減其數可謂富矣好手裝潢時 金石文改畧原序 互證其然否問附已說於其後成書一十六卷可謂 一人所不能無而足以為累者也然非必 Ų 金石文改器 切聲色

動好四屋在書 亦與道德之肯可相來也與雍正七年歲次屠維作 月朔同里心齊老人金介復題 斪 自非甚有欲於此悉能搜羅之富而致訂之勤 也老子云常無欲以觀其妙故則有欲以觀其妙不 人各有欲欲在彼聲色貨利則志氣日以昏欲不 在此 則志氣日以清此觀妙主人之所以能觀 如 其 是 在

欽定四庫全 こくてしりら ハイテ 此無慮數十刻唯楊用脩所得之石為最先凡此等 來人所能辨也墨林快事 皆一石所攀也勿論古篆奇逸即題後廿餘字亦非 千年内物以為出自夏后或未必然然當非隋唐以 金石文考界 嘉與李光暎撰

霞山天開嚴余所收二本其一稍泐跋數十字尤不 禹碑七十七字在衛嶽密雲峯楊用脩得之張愈憲 院用偷又刻於滇中安寧州近世楊時喬又刻於栖 聖經類汲冢楊天子語何也用脩金石古文并楊時 而已得之以為奇幸而王元美復疑之謂銘辭未諧 刻也用偷謂韓愈劉禹錫朱熹張杖諸人求之不得 可辨隱隐有何致字當是子一舊本其一則楊時喬 云宋嘉定中何致子一遊南嶽脫其文刻於嶽麓書

新定四库全書

喬本出在元美後元美所得豈即何子一楊用脩二 喬皆註隸釋互有不同元美亦有二本釋亦不同時 石琅玕姿秘文龍虎形崔融云於鄉大禹顯允天德 劉禹錫寄日衡州詩云傅聞祝融拳上有神禹銘古 徐靈期衡山記云夏禹導水通濟刻石書名山之高 泊雖經摩刻猶可想見古人惜不得衡嶽石上蹟耳 刻耶何其抵牾同也但其文所謂龍畫螺書鸞飄鳳 石墨鶴華

とこり日かま

金石文考署

部定四届全書 青石亦形模奇义云干搜萬索何處有森森綠樹猿 崔融所云則似見之盖所謂螺書區刻非目覩之不 翁作韓文及異遂謂退之詩為傅聞之誤盖以耳目 其名矣未至其地也韓退之至其地矣未見其碑也 龍畫傍分螺書區刻韓退之詩岣嶁山尖神禹碑字 所限為斷也王象之輿地紀勝云禹碑在岣嶁峰又 能道也宋朱晦翁張南軒游南嶽尋訪不獲其後晦 **搽悲古今文士稱述禹碑者不一然劉禹錫盖徒聞**

禹碑凡七十七字輿地紀勝云七十二字誤也其文 宋嘉定中蜀士因樵夫引至其所以紙打其碑七十 得之云是宋嘉定中何致子一模刻於岳麓書院者 傳在衡山縣落雲峯昔樵人曾見之自後無有見者 云承帝曰嗟異輔佐卿洲渚與登鳥獸之門然身洪 不可得余生人後三公乃得見三公所未見一竒矣 斯文顯晦信有神物護持哉韓公及朱張求一見而 二字刻於夔門觀中後俱亡近張季文愈憲自長沙 食石文考界

欽定四庫全書 志江西廬山紫霄峯下有石室室中有禹刻篆文有 六字可辨餘回識後復追尋之已迷其處矣福建前 昏徒南讀行序衣制食備萬國其寧窟群永奔輿地 非辰往求平定華 嶽泰衛宗疏事夏勞餘仲禮鬱塞 流而明發爾與人旅忘家宿嶽麓庭智營形折心問 詩鳥書蟲文不可識如讀的邊神禹碑禹之遺蹟靈 田縣陳島山有自然仙篆以紙模之形類禹碑何虧 好事者絕入摸之凡七十餘字止有鴻荒漾余乃攆 **基**:

3. 17 1. 1. L. 字之文云宋嘉定中蜀士有好奇者不憚高峻始陟 簡玉字之書按省玉字通水理也或曰此即金簡玉 坐玩之亦奇且幸矣遂拓刻之安寧州法華山之晚 滅張季文得之云是岳麓書院者余流辟裔土乃獲 雕道元水經注云禹治洪水血馬祭衡山於是得金 **閼如此號曰神禹抑有由矣余既得禹碑刻作禹碑** 其所乃濡紙脫其文七十二字刻於夔門觀後亦磨 金石文考界

舒定四库全書 字青石亦形模奇科斗拳身強倒披鸞飄鳳泊拏龍 鐘與書不言有岣嵝銘然見於吳越春秋南嶽記湘 照拳仍建亭曰岣嵝亭二條升卷外集 螭下言事嚴跡秘思莫窺道人獨上偶見之千搜萬 子謁南嶽廟無賦均樓山詩上言岣嵝山尖神禹碑 融举上有神禹銘古石琅玕姿秘文螭虎形昌黎韓 中記南嶽總勝集劉夢得寄日衡州詩有云常聞祝 古今雜體書勢章續述之凡五十六種祗云夏禹作

曹轉運彦約時人未信致遂刊之岳麓書院鄱陽張 不亦可平縣書亭集 **岣嵝铭碑余所藏二本一乃嘉定壬申何致遊南** 世南作記事或有之是銘及古家率以為偽祇因箋 口而銘文仍未之見也地志稱宋嘉定中有何賢良 索何所有森森綠樹猿樣悲是韓子懂得之道人之 釋者太支離故疑信相半蒙著於録下配壇山之石 致於祝融举下樵子尊之至碑所手摸其文以歸奉 金石文考各 ħ

ここり と こ・トラ

多定四库全書 **教至祝融奉下遇热者訪禹碑想者言石壁有數十** 字仰之導前過隱真屏復渡一二小澗攀雜們萬至 獻長沙轉運曹彦約刻之岳麓書院一乃湛甘泉先 碎所得古篆七十餘字乃取随行市歷碎而摹之歸 能為自可實也銷夏記 俱未載其為真偽不可知然字畫奇古非近代人所 不得見而歐陽集古錄趙氏金石錄鄭漁仲金石畧 生重刻新泉精舍者其碑韓昌黎劉夢得俱有詩稱 卷 2. 1) ... C.L. 盛弘之荆州記劉禹錫寄吕衙州詩此碑流蹟已久 雄倒披鸞飄鳳泊拏虬螭是書形勢亦誠有之及讀 多以意會耳非必盡能識之也按昌黎歌科斗拳身 者余直以為秦以前文猶勝作西京後人語而用脩 冢周書穆天子傅中語豈三代之季好事者託大禹 再碑在祝融峰重刻者二本而隸釋亦微不同大抵 而刻之石耶然宣王石鼓文亦類是似更有不可晚 不當然之蜉蝣之足但銘辭雖古未詣聖經極類沒 金石文考界

周武王銅盤銘 私定匹库全書 比干墓銅盤銘碑石殘斷字畫失真萬歷十五年知 所謂龍畫傍分螺書區刻不啻倍從懌山琅琊也留 今在汲縣北十里比干墓上衛輝府志曰周武王封 以冠諸刻命州山人稿 府周思宸重摹汝帖立石於墓前薛尚功鐘鼎敖識 物亦可重也 此文元延祐間摩汝帖刻於石者辭古簡遠雖非原 石墨鍋華 衣一

其釋文云左林右泉後尚前道萬世之藏兹馬是實 言唐開元中偃師縣土人耕地得此盤篆文甚奇古 識一十六字又得玉片四十三枚其長三寸許上圓 **鵐絕程唐為陝西提點茶馬李朝孺為陝西轉運遣** 保令改張邦基墨莊漫録曰政和問朝廷求三代則 而銳下潤而方厚半指玉色明瑩以盤獻之於朝玉 作前岡後道藏一作靈一作寧兹一作於寶一作 於鳳翔府破商比干墓得銅盤徑二尺餘中有款 1. Li-金石文考岩 ! į

欽定匹庫全書 唐開元中偃師農人得之地中文甚奇古計十六字 之以俟金石文字記 秦州日取之而去祁寬居之當見之為余言之然則 此碑之得自鳳翔不自偃師即其為何代之物不可 留秦州軍資庫道君皇帝曰前代忠賢之墓安得發 天下金石志 知而比干段人必無葬鳳翔之理也疑以傅疑姑存 掘乃罷朝獨退出其盤其玉父在秦庫近年王庶知

火足四年全書~ 周宣王石鼓文 遺則亦不啻古矣况是两河故庭尤當先表章者墨 有篆隸之筆其為後人妄作也無疑况云封墓之盤 周在篆隸之先而此前後口道世之是寶等字皆帶 為之點飾也以為三代之典則大不類以為漢晉之 之仁甚偉封比干之事甚懿宜其生後世之仰欽而 則四語更無謂然其傳甚遠必漢以來人所謂比干 林快事 金石文考書

金岁巴五八二 南田詩辭恐是宣王時未可知朱子詩傅遣說 表功何煒煌是也唐蘇氏載紀云石鼓文謂周宣王 應物石鼓歌則曰文王所謂周文大獵歧之陽刻石 獵碣共十鼓東坡石鼓詩亦云憶昔周宣歌鴻應方 王所謂宣王憤起揮天戈蒐於岐陽縣雄俊是也幸 左傅云周成王嵬於岐陽而韓退之石鼓歌則曰宣 石鼓有說成王時又有說宣王時然其辭有似車攻 召聯翩賜圭白不知韋詩云周文安所據乎歐陽永

ここうこうしいけ 鼓文出入雅頌書法淳質出周宣王時史福筆亡疑 傅記不載不知章韓二君何據而有此說也前語 古亦以為非今在京中國學戟門金石文字記 金馬定國傳石鼓自唐以來無定論定國以字畫及 叔云前世所傅古遠奇怪之事類多虚談而難信况 之云是宇文周所造作辯萬餘言明楊用脩最稱好 秋 都玄敬楊用脩王元美諸人辯之已詳余借得一 金石义考客 陽

弘定四年全書 决宜後人之不復置猜也改其文詳其字必非姬氏 陳倉石鼓從來便以為周宣物退之大儒亦無復剖 甚而該持無人惜哉石墨鍋華 學門內余從李典籍又見得此本漫滅視余借本尤 亦疑之遂令後人譏駁無地自容矣今石鼓猶在太 雖磨泐特甚真三代物也古人有以為秦物者已非 之鼓無疑古人尚質簡素以前未多見以石為久計 又有以為宇文周物者尤可笑歐陽公最號博古乃

官賞以收遺跡亦不入御而待餘慶乎此必宇文周 遥聞車攻之響依而撰此以為繼周一班其云公謂 之物於時事事仿姬至於皇帝亦抑而天王之此必 下乃無一人録而獻之何也唐太宗以書自聖不惜 無一言及此漢武好古右文不啻饑渴此物切近益 經孔子大聖錄車攻古日於詩此斐裝數百千言何 也况一獵較自紛紛為此數十石散於田野之中乎 天字似字公護攝政氣岸唐初尚明了所以不取後 金石文考界

大色の草を書

金月にたとい 愛而為之價與墨林快事 識又不多得然嚴正婉潤端姿旁逸銛利鉤殺則唯 文及商周鼎彝教識夫吉日癸已數字而已商周教 三代之文字存於今者唯穆王吉日癸已史稱石鼓 為宣王也然其制亦可取字復雅馴此退之革所以 漸妄目之耳中多篆稿古文總一好異未必即思偽 歐陽文忠謂其書非史稿不能作但疑其自宣王至 石鼓文耳惜其歲久剥落至唐始顯遂至紛紛疑議

3. 17 J. L. 自惠文稱王始皇稱帝以為惠文之後始皇之前所 秦篆因其以段為也見於秦斤以丞為丞見於秦權 漫者以其琴搨者多故也令石鼓委置草菜泥土之 宋千有九百餘年理難得存是不然也夫石刻之易 作也余按易書經文無也字則知古轉用段於字正 中兀然不動至唐始出以故完美如初况其石之質 其文有曰嗣王有曰天子天子可為帝亦可謂王秦 頑性坚若為確碍者哉此不足疑一也鄭漁仲謂是 金石文考界

多定匹库全書 邕諸人皆名後世豈後周時有能書若此而不名乎 燕天子 祈父刺宣王之詩也曰子王之爪 牙此不足 當從山取奉孫髙意六月宣王之詩也曰王于出征 謬妄夫自秦漢晉宋隋唐以來茍能書者如斯水暖 况其詩詞嚴古尤非當時之人所能及且蘇弱章韓 作盖因史大統十一年西狩岐陽之語而云也尤為 疑二也温彦威使三京以為後周文帝獵於岐陽所 以佐天子吉日宣王田獵之詩也曰天子之所曰以

たとりられたかり 余按姚氏殘語云彦威使三秦此得之偽劉詞臣馬 秦以石鼓為後尚文帝雅於岐陽所作而斷其繆妄 定國然亦非也金元好問編中州詩定國小傅云仕 歸余家石鼓昔人論之詳矣趙氏跋謂温彦威使三 諸公去後周未遠不應謬稱如是此不足疑三也故 石鼓文宋代搦本洪武中藏於餘姚儒者趙古則後 余斷然以為尚宣王田行之詩而史稱之書也趙古 則石鼓文跋 金石文老界

金为口四百言 時任吏部侍郎視後周則誠未遠又按李嗣真書後 品張懷瓘書斷亦皆以石鼓為史籕書嗣真萬宗時 **弱幸韓諸公去後周未遠不應謬稱如是而以其言** 金翰林學士及石鼓字畫定為字文周時所造作文 為可信余觀應物退之其去後周似為遼潤弱貞觀 而斷其非史福之書二子謬妄固不俟言跋復謂蘇 辯之萬有餘言元天台劉仁本為石鼓論本之定國 '懷瓘老於開元則稱石故為稿書者始於蘇氏繼

置之其數方備乃知第十鼓其先盖當有偽為者至 鼓遂足王順伯謂五代之亂鼓復散失司馬池復輦 近見傳師跋謂數內第十鼓較之文亦不類訪於問 鄭夾祭謂石鼓至唐始出於岐陽鄭餘慶取置鳳翔 里果獲一鼓字雖半缺驗之書體真得其跡遂易而 致府學其一鼓已亡向傅師搜訪足之二說皆同余 孔廟而亡其一皇祐四年向傅師求於民間得之十 於李張而退之直據之耳 17 1.L. 金石文考界 1=

欽定匹庫全書 京師詔以金填其文請康之末保和珍異北去或傳 京作辟雅取十鼓置講堂後辟雅廢徙置禁中則置 金人入汗剔取其金而葉去之至元乃替至京師置 濟河遇風棄之中流而存亡未知後王子充題此謂 傳師而真故始復此皆王鄭之所未及豈其未常見 於國學廟門之下余按胡世將資古録云崇寧中 經清康之變未知其選從與否王則謂大觀中鼓歸 向跋耶鄭復謂大觀中鼓置之辟雅復取入保和殿

時當命工搦之字多漫滅較之宋本惟十之二三而 未知其選徒存亡蓋當是時北方非中國所有而二 得此也鼓今在北京國子監即元之舊地余官禮部 之辟雅者蔡氏而所謂禁中即保和殿也若王鄭之 河與夫金人棄之之說皆不足信不知二公何從而 教成均言於時宰得置之國學大成門內則淪入濟 梁鼓亦北徙留王宣撫宅宅後為大與府學伯生助 公义皆南人故云然也及觀之虞伯生云金人得汴

たとり時人は

金石丈考署

, t 6,

多戶四月至書 瞻皆以為然而後人或以為後周宇文時所刻則疑 收仍是殘缺四百九十四字本盖亦未見此也 刻之木以傅矣然都元敬金雄篇劉梅國廣文逐所 唐人拓本於李文正先生凡七百二字盖全文也當 之毕之甚矣余按宣王之世去古未遠所用皆科斗 石鼓文章應物以為周宣王臣史稱作韓退之蘇子 石鼓文在太學潘迪有音訓凡四百九十四字余得 二條金雄琳那 表

State Attack 泰字也其為秦物可知此說有理余切信之書以俟 時物則宣王時用科斗書可知矣攀豐云岐本周地 縮文令觀說文所載縮文與今石鼓文不同石鼓類 是詩之作其在歐公之前襄公之後乎地秦地也字 **旅得玉鏡竹簡古書江淹以科斗字推之知為宣王** 小篆可疑一也觀孔子篆比干墓及吳季札墓尚是 平王東遷以賜秦襄公矣自此歧地屬秦秦人好獵 科斗則宣王時豈有小篆乎又按南史襄陽人伐古 金石文智器 fi.

欽定匹库全書 知者二條升卷外集 刻誠傖父之言也十鼓向闕其一皇祐問始得之歐 石者方之永叔懂多二字胡世將資古紹志録云所 陽永叔見之最早文存四百六十五字爾薛尚功則 見者先世藏本在集古之前僅益九字至潘愜山作 石鼓籕文雖與大篆小異然離鐘鼎欽識未遠其為 云歲月深遠缺蝕殆盡令疑識所載乃得之前人刻 三代物信矣而諸家或疑之馬守卿至謂宇文周所

第五鼓需雨上古文苑有漢漢二字薛氏施氏本則 字古文苑本熊作重文用修亦不取更以六轡沃若 有天字用脩亦不取增我來自東四字夫車攻符於 字第四鼓潘本有四馬其寫六轡口驁的熱上脱 簡句古文苑脫避字有聚字用脩不取易以六師二 魔之所得磨人拓本多至七百有二字又言及見東 音訓時止存三百八十有六字而已楊用脩謂從李 坡之本人多感馬愚致第三鼓潘氏音訓有避衆既

たこり良います

金石文考界

彩灰四样全書 東故云為言祖東東有南草若岐陽在鎬京之西豈 每行字有定數難以增益尤有異者鼓有與文郭氏 或友悉率左右以燕天子咸與小雅同文不知鼓文 文又如第七鼓用脩增益徒御嘽嘽會同有繹或厚 行僅四字上皆缺二三字用脩每行增一字强以成 得云我來自東乎至於第六鼓因民間窪以為臼其 上漫漶以諸鼓驗之每行多者七字少者六字此鼓 云恐是臭字古老反大白澤也用脩遂以惡獸白澤

ここうことこと 字若眉之本有七百餘字拾殘補缺亦已多矣眉之 **舊本出梨棗楮墨輕虛不盈握拾殘補缺能幾何以** 骸偃蹇任苔離文字皴剥因風雨字形漫汗随石缺 糊半已似瘢脈詰曲猶能辨跟肘子由和之有云形 况又百年後强尋偏傍推點畫時得一二 遺八九糗 不應為是言也子瞻之詩曰韓公好古生已遲我今 人正文中其亦欺人甚矣及賓之石鼓歌中云家藏 涓埃神海岳夫以歐陽薛胡諸家所見止四百餘 金石义考界

釞定匹库全書 詩曰風雨缺為苔蘚滿而韓吏部歌曰公從何處得 應為是言也杜子美詩曰陳倉石鼓久已訛韋蘇州 瞻是子瞻克見其全子由亦得縱觀子瞻子由又不 蒼蛇生角龍折股夫用脩之本既得自眉之傳自子 盡爛夫以唐宋元人未見其全者用脩獨得見之此 得也具立夫詩亦云岐右石鼓天下觀駱駝載歸石 鼓在唐時已無全文故吏部見張生之紙本以為難 紙本毫髮盡備無差訛又曰年深豈免有缺畫則石

欲與之太學不從鄭餘慶遷之鳳翔孔廟經五代之 周宣王石鼓文在國子監廟門內其形如鼓其數盈 亭集 陸文裕亦不敢信由石鼓而推之用脩他所及證吾 亂遂至散失宋司馬池知鳳翔復輦致府學無己 不足存舊在陳倉野中韓昌黎為博士時請於祭酒 十盖周宣王田獵之事史籕之跡也諸家紛紜之説 亦不能已於疑無惑乎陳晦伯有正楊一編矣 曝書

とこりは かまっ

金石文考界

+ ^

到5四月至書 字數雖少於薛帖然適朴而饒逸自是上古風格薛 **辇致於燕置王宣撫家復移大與府學元皇慶移置** 刻不建遠矣殘璣斷璧終當以真者為實也 文廟戟門內其文漫滅不可讀潘迪音訓載三百八 其一皇祐四年向傅師搜足大觀二年歸於汴京部 十六字薛尚功帖戴四百五十一字今三百二十五 以金填其文初致之辟雅後移至保和殿金人破汴 **元至元已卯國子司業潘迪音訓刻鼓傍其自跋畧**

... 17 ... 1. 1. 1. 所稽云 存又何如也間取鄭氏樵施氏宿薛氏尚功王氏厚 餘年昔之所存今已磨滅數字不知後今千百年所 余家有宋揭薛氏石鼓文自跋云右岐陽十鼓周宣 之等數家之說及訂其音訓刻諸石俾習稻篆者有 云迪自為諸生往來鼓傍每撫翫不忍去今幾三十 辨者刻之於石以甲乙第其次雖不成文然典型尚 王太史稿所書歲月深遠剥泐殆盡前人當以其可 金石文考界

欽定四庫全書 石鼓文據楊升庵慎金石古文載其全文謂得之唐 在姑勒於此與好事者共之薛帖余得之故內精工 漁 **致中然陸文裕深謂石鼓經博洽之儒如王順伯鄭** 於佛龕中得唐人所録古文乃有四百九十七字近 百六十有五字胡世將資古所録懂多九字孫巨源 之甚恐後人並此不及見矣 拓本於李文正家余讀而驚歎已録於京師古石 仲搜訪靡遺餘力成存斷缺歐陽公集古録才四 起!

化三日前 公子 能辨然用俗謂得之李文正家而文正懷麓堂稿絕 所從來果有的據固是千古一快如以補綴為奇固 錢為文以求童的又然以薛尚功諸作亦懂得四百 石鼓文辭既深典出入雅頌而書法淳質是稱史跡 不道及何也 不若缺疑為愈然細讀十詩古致翩翩恐非用脩所 世吾行子行自謂以甲秀堂譜圖随鼓形補缺字列 三十餘字不知近日何緣得此十詩完好如用脩之 四條銷夏記 金石文考界 Ť

剑员四库全書 者耶弇州山人稿 書家諸學士貶擊殆無地可容面若以夫子之所不 其為宣王田獵之語可據歐陽公偶以臆見疑之為 右石鼓文周宣王之獵碣也定為史福書無疑三代 在太學而人不知護持豈亦所謂舍周縣而實康瓠 應刪則非也詩固有夫子之所未盡見者此石今猶 故有十因其石之自然粗有鼓形字刻於其旁石質 石刻存於世者惟擅山吉日癸已與岐陽此刻耳其

ス・レー・し し・ドー 坚頑類今人為確碍者其初散在陳倉野中韓吏部 傳師搜訪而足之大觀中歸於京師詔以金填其文 鳳翔復輦至府學之門無下而亡其一皇祐四年向 至京師置於國學廟門之下至今存馬金石文 殿金人八汴携剔取其金而棄去之元朝都热乃輦 以示貴重且絕模揭之患初致之辟雅後移入保和 為博士時請於祭酒欲與致太學不從鄭餘慶始遷 之鳳翔孔子廟經五代之亂又復散失宋司馬池知 金石文考界 二十二

銀定匹库全書 孔子比干墓題字 妄信之亦足為忠臣吐氣也石墨鶴華 字源辯其謬矣然以比干之忠烈尼父是其族孫姑 段比干墓四字比水經闕其三字畫清勁乃東都威 墓所記惟此今已中折不知誰所誌也隸續云僅有 水經注云比干家前有石銘題隸云殷大夫比干之 靈時人所書者收碎如歐趙皆未之見石公弼跋云 此書程邀李斯不為而曰仲尼手書洪氏隸釋漢隸

秦李斯峄山碑 ここり うことう 右秦峰山刻石者鄭文寶得其摸本於徐鐘刻石置 當是漢人書 華寫然循求者不已有縣宰取舊文勒於石碑之上 登山使人排倒此碑然而歷代模拓之以為楷則色 長安此本是也封潢聞見記載此碑云後魏太武帝 世傅孔子書然隸始於秦非孔子書必矣字畫勁古 放於供命聚新其下因野火焚之由是殘缺不堪 顧南原隸辯碑改 金石文考書 <u>-</u>

銀定四群全書 南詩直以為棗木傳刻者豈又有别本與按史記本 置之縣解令人問有峄山碑者皆是新刻之本而杜 金石文考客卷一 少此雖傳模之餘然亦自可貴也金五錄 其文詞簡古非秦人不能為也秦時文字見於今者 紀二十八年始皇東行郡縣上鄉嶧山立石與曾諸 山凡六刻石史記皆具載其詞而獨遗此文何哉然 儒生議刻石頌泰德而其頌詩不載其他始皇登名

曾孝王刻石 欽定四庫全書 金石文考界卷二 靈光殿基南三十步太子者景帝子劉餘封魯故俗 此石金髙徳裔脩孔廟掘得之太子釣魚池中池在 有高德裔記 八分書 金百文考界 嘉與李光暎撰

銀定四庫全書 曾孝王有國之年也上書天子大一統之年而下書 華 刻傳者極少此字簡質古朴存之以示後人石墨鶴 者必當時創建或鑿池而記其成功之日也西漢石 十四年德裔以為餘孫孝王時也又曰六月四日成 以太子呼之也石曰五鳳二年宣帝號也又曰魯三 諸侯王自有其國之年此漢人之例也三代之時侯 五鳳二年者漢宣帝有天下之年也魯三十四年者 基: J. 17.51 1.115 得古銅器數件以款識寄之得償其願盖碑文起於 昔歐陽公著集古録不得西漢字劉原父出守秦中 東漢而西漢無之也金明昌中部修孔廟於靈光殿 自周人書之也金石文字記 國之為史者則但書本國之年而不書天子之年春 基南三十步有太子釣魚池取池石充用得一石刻 曰五鳳二年魯三十四年六月四日成十三字按五 秋隐公元年者何自曾人書之也泰誓十有三年者 金石文考答

銀定四厚全書 書以篆文一行志博埴之歲月後有金高德裔題跋 鳳乃宣帝時號字形朴質此西漢之物絕無僅有者 寧熟一七年曹叔文朝一元和三年謝君墓朝一永 右漢五鳳二年甎一山嵌曲阜孔子廟庭前殿東壁 載於洪氏所紀者有永平八年甎一建初三年汝伯 十八年北宫衛令即君千秋之宅朝亦作篆書其餘 西京陶族之式存於今者惟此爾東京則有建武二 也使歐陽公當日見之不更為於慰耶銷夏記

荡陰令張遷碑 右漢荡陰令張君碑碑云君陳留已吾人治京氏易 之語與西京不侔矣曝書亭集 善或云千萬歲署舍子孫貴昌未央大吉或云大古 陽宜侯王盖東京人尚識緯民間造宅墓爭作吉祥 少為縣吏徴拜郎中除穀城長遷荡陰今後云中平 初元年景師甎一其文皆隸書也或云萬歲舍大利 八分書 中平三年 碑今在東平州儒學 金石文考界

銀定四库全書 荡陰屬河内郡即今彰德府之湯陰縣已吾屬陳留 特完好可讀漢碑中之不易得者及之東漢地里志 隸釋云東漢及魏其碑到今不毀者十才一二凡歐 史伯時處見舊搨本不及録近得之友人文徵仲按 趙録中所無者世不復有余生去宋數百年而此本 郡即今開封府夏邑縣此碑余官京師時常於景太 三年二月故吏章萌等刊石立表盖其去思碑也字 兩見歐趙録中盖未嘗載隸釋并隸續亦無其文通

無也金強琳那 志金石畧所載碑目雖多然亦未之及乃知昔人之 張荡陰碑建於中平十年石完好無缺而書法方整 言未必可信而舊物之在天壤問者固不可盡謂之 集古録金石録及隷釋隷續並不載豈亦出自近代 耶而近代人如秦中趙涵及郭宗昌搜訪舊碑亦不 爾雅漢石中不多見改之通志金石畧既無其目而 之及何也此碑及樊巴郡碑俱完整而佳一旦獲見

たとり見とい

金石文考界

字穀城長下釋作蛰碑是蠶字晉陽珮下釋作選碑 右荡陰令張遷碑歐趙俱無惟金雄琳琅載其文闕 前人所未見天下事孰有快於此者銷夏記 則為全文矣又張良善用下釋作蕭何此碑是籌策 者五字以此碑按之徴拜下當是郎字焼平下當是 是瑋字吏民頡下釋作韻碑是頑字于是刻石下釋 開下作哭字當是更通作泛孔淺下當是二字若爾 城字流化下當是八字八基者謂子賤以下八事又

ていりう ことり 當是既廣爰既且於君當是既祖中譽於朝當是忠 **滲公之則削碑曰問為特所有當是禽獸荒遠既殞** 今在東平州儒學其文有云荒遠既確者實之誤中 蹇弊沛崇樹當是敲芾此則古字之相通也金石評 年字孔後下釋作武字碑皆漫滅難識此則南豫公 作整碑是豎字此則南濠公之偶誤存恤萬下釋作 之意測子子孫孫下有一字不可識而不釋此則南 狡 金石文考界 Ĺ

多定以库全書 時而出者碑額字體在蒙隸之間極其飛動銘書敬 審於朝者忠之誤而又有云爰既且於君則暨之誤 右荡陰張遷碑不著於歐陽氏趙氏洪氏之録殆後 古字多通而宿旁加歹已為無理又何至以一字離 掘地得之豈好事者得古本而摹刻之石遂訛謬至 為二字也歐陽趙洪三家皆無此碑山東通志曰近 耶 崇樹為弊沛按克母祝睦魏元丕三碑其書敬字 金石文字記 卷二

じこりら たた 此本之完好曝書專集 名或書其字然那南豫都氏金雄琳琅少碑除不若 守令三人督郵一人故吏三十二人告賢謂東漢鮮 各同而带作沛則此碑所獨也碑陰率錢從事二人 吕君碑同說在第一卷東真二韻 曾子問及葬而後記 金石文字記以碑中廣誤確忠誤中暨誤既且疑後 二名者是碑范巨范成章宣而外自章叔珍下皆二 人摹刻按以殯為賔見禮記曾子問以中為忠與魏 金石文考咨

執金吾及武祭碑 多员四库全意 執金吾武祭碑歐陽公謂其文字殘缺不見卒葬年 月及氏族所出余家本殘缺與歐公同而隷釋所 南 海於將静 八分書 将軍 出君碑君 以解文云中本外 解 期也此碑的於獨鄭氏注云中本 既且為暨有不可解然字畫古拙恐非摹刻也 原 隷 舻 碑改 以作仍殯 名字誤聲 州古耳之 司或書誤 亦通仲也 27.用虺辭 中又之於 又之於 忠横 建謂 顀 惟 中告

· () ; ; 武榮碑外稱殘缺剥落集古録載其名金石録並不 卒葬年月歐公特未之知耳金雄琳琅 載然石非全磨滅者文既簡質字亦如之自是東京 史之次弟此乃其氏族之所出也但碑文簡短不書 者則又往往可讀如云君即具郡府鄉之子燉煌長 武君祭碑在濟寧州學儀門漢制執金吾一人还 班俱有碑載金石録何以獨遺此碑耶新夏記 風格可珍也祭之父吳郡丞武開明兄繳煌長史武).Li 金石文考界 λ

飯定四庫全書 帝大憂哀陨而亡當是靈帝時也王弘撰曰碑額漢 年月無及僅存其廓落馬耳曝書亭集 故執金吾丞武君之碑十字作陰文凸起他碑所無 今在齊寧州儒學殘缺婁機漢隷字源曰碑言遭桓 吾盖中與以後官不常置禁之本末惜碑文已漫滅 作執金吾而樂府古歌辭稱陛下三萬歲臣至執金 騎二百人與服導從光滿道路光武害數曰任官當 人月三統行宮外戒司非常水火之事秩六百石緹

孔宙碑 宙融之父孔子十九代孫也卒以延熹六年碑造於 七年而趙明誠歐陽水叔王元美皆回四年宙字季 孔季將碑字法古逸尚存分體漢石之佳者王元美 仲金石界又載兩孔宙碑尤謬石墨鶴華 將隸書易辨而永叔集一作秀持皆不知何據鄭漁 金石文字記 八分書 延熹七年 碑今在曲阜縣廟中 金石文考署

銀定四庫全書 載其目云未詳所在復載泰山太守孔宙碑云在究 聖人之後者碑在曲阜延熹七年立通志金石畧常 也其事實不見史傳然碑稱其齊聖達道德音孔的 右漢泰山都尉孔宙碑宙孔子十九世孫而融之父 乃謂文與書皆非至甚矣鑒定之難也新夏記 州立於延熹六年是漢有兩孔宙而碑復有二何其 又稱其治泰山旬月之間民皆解甲服罪可謂無愧 巷二

えいしし しいい 右孔宙碑陰不云碑陰而云門生故吏名此漢碑中 徒親受業者則曰弟子次相傳授則曰門生未冠則 弟子一人故吏八人故民一人隷釋謂漢儒開門投 曰故吏占籍者則曰故民非吏非民則曰處士素非 曰門童總而稱之亦曰門生舊所治官府其據屬則 之懂見者前碑云故吏門人防山采石勒銘示後則 所益則日義士義民此皆讀漢碑者之所當知而隸 此所載皆其人也今按宙門生四十二人門童一人 金石文考界

多定四庫全書 時為妄人所更後學遂信而不疑也曝書專集 字公緒别是一人竊疑范史不應紅終若是或發雕 碑為據而後漢書融列傅作仙及宙卒於靈帝素平 融之父也裴松之注魏志引司馬彪續漢書亦作尚 四年而仙於獻帝初平元年拜豫州刺史籍本陳留 漢泰山都尉孔宙碑在曲阜縣孔子廟庭大中大夫 釋人間少傳故者之二條金雄琳琅 又韓勅碑陰出私錢數列郎中魯孔宙季将千當以

たこりう とき 額題云漢泰山都尉孔君之碑九篆字為一行碑首 比亦甚少已篆其上復標其端唯此碑爾又文十四 額者首行即入詞無額者或題其前如張納樊安之 舒古勁允為東漢大家光縣識 余有谷口鄭先生臨此碑墨本其跋語有云字體寬 原隸辨碑及 行行二十八字末行銘辭下空十一字刻年月 行題云有漢泰山都尉孔君之銘隷釋云儿漢碑有 金石文考畧 樹南

史晨請出家穀祀孔廟碑 者九百七人復修清置井及守墓人可謂盛事石墨 銀戶四月百書 謂知尊聖人矣又一碑紀晨姓字載當時廟享觀禮 如今通政司事也晨初到官自出俸錢以供種祀可 此史晨上尚書奏章盖漢制郡國因尚書以達天子 禮殿記亦作畔宫金石文字記 飲酒畔宫者洋宫之異文也益州太守高联修局公 人分書 建寧二年 今在曲阜縣廟中

狄定四車全書 陳典禮之盛使鄒曾學者得親前修之美也先照識 余有鄭谷口臨前碑墨本其跋語云漢建寧二年曾 用俸錢以供禮祀知其為魯之賢相也金雄琳琅 尚書以達之也碑云到官秋享無公出酒脯之祠自 相史晨響孔廟有前後二碑前碑級奏請之章後碑 所上尚書奏章盖當時之制郡國不敢直聞朝廷因 此碑漢靈帝建寧二年立晨姓氏見於後碑此乃其 錫華 金石文考界

火晨饗孔廟後碑 智琮李叔度余表儿菜畦沈先生曾臨此本極佳可 想見當時墨跡菜畦為余臨孔林百石碑部陽今曹 題名馬元貞下有楊景初郭希元又有楊君尚歐陽 今在廟中後有武后天授二年馬元貞題名金石文 八分書

全碑又以漢隸書開元磨崖太山鉛余珍藏之光城

曾相韓物造孔廟禮器碑 飲定四庫全書 是碑隸書與卒史碑無二且記法簡質非今所能而 元敬乃以雜用識緯薄之余竊不取馬石墨鶴華 致者為上如此碑者未易屈指也舒夏記 法波拂具存漢碑存世者不必皆佳而以道逸有古 孔廟禮跪碑建於永壽二年碑完好所缺不多而筆 八分書 永壽二年 碑在曲阜縣廟中 包二文考 客

蘭然生敬 墨林快事 者何心哉漢石如此首尾完者更少每一拜觀不覺 綠不可盡通余觀東漢自光武以亦伏符即位篤好 右漢唇相韓物造孔廟禮器碑說者謂其文雜用讖 者所為聖人或取其藝而收之門墻問乎今之揺擊 族得以附於孔氏以永世而世主之為孔子立者反 多逸馬石亦有幸不幸與字意奇古盖時之有書技 此亦吏民立以頌今君之德政者因其載有孔顔氏 こうしりこう しいとう 遊觀河濱感亦龍交而生堯魯相史晨孔廟碑云孔 見之金石者不特此碑然也帝竟碑云克遊於玄河 圖識臣下則而效之流弊浸廣至漢末而其說尤熾 來孔子曰上有好者下必有甚馬者矣以光武之明 之上有龍授圖克乃受命成陽靈臺碑云克母慶都 子乾坤所挺西狩獲麟為漢制作皆怪誕恍惚不經 智而愿不及此嗚呼於漢儒乎何尤金蘇琳琅 之甚後之君子以漢儒之恆狹如此而不知其所從 金石文考界

鄭簠汝跪相其陷文深淺手揭以歸勝工人椎拓者 譜族膘聖人之後獨無聞馬厥後仙源宗子珍扈宋 禮総後碑以志修廟謁墓碑陰兩側均有題名金陵 關里孔子廟廷漢魯相韓初叔節建碑二前碑紀造 既沒褒崇之典歷代有之世本王侯大夫莫不有宗 百倍汝器以余於金石之文有同好也遠遣書寄余 南渡金源立别子為祖嘉熙雖仍錫文遠以爵而授 乃取題名之參錯不齊者齊之裝界成冊思夫孔子

新定四库全書

こううえ 歎息也矣動前後碑陰載孔氏苗裔有褒成損建壽 魯府審理正弘幹所撰有世表有宗系圖其於三衛 從事樹君德朝升高守廟百石卒史恢聖文文學百 御史湖元世東海郎中訴定伯豫州從事方廣平故 明嘉清中孔門食載一書先聖六十一代孫永徳郎 而宗子辭不受能以禮讓是人之所難也以余所見 之田里俾居三衢宋之亡也忽馬元人思復立大宗 一支棄而不錄莫系世辨的移者宜如是乎可為長 1.1. 金石文考器 中四

叙定四库全書 支子之流派及書名史冊碑碣者具書之惟非其族 必去非聖人之言必削之庶乎其可已曝書亭集 聖人之後有賢子孫改修闕里志孔門愈載則宗子 尉掾凱仲悌處士徵子舉巡百男憲仲則汎漢光凡 助術子佑贊元窟曜仲雅遵公孫旭連壽番安世太 石芝德英故督郵承伯序賴元夏進幼達相史請仲 二十三人而後碑稱碑係孔從事所立始方也伏念

ここりうここら 盡完好如新余所收亦無剥落者其字隸中帶象及 會其說耳漢碑如郭有道碑最為名跡今假刻可厭 中郎書恐未必後刻建寧三年蔡邕伯喈書後人 致有一段英氣决非後人所能及元人王憚謂為蔡 金石録云碑在洺州元祐間因治河得於堤土中刻 之甚何可與夏碑同日語 八分洪丞相謂其奇怪真奇怪也有疑其偽者然筆 分書 建寧三年 . 金石文考界 耶 銷夏記 十九 附

多定四样全書 蔡邑書夏承碑如夏金鑄縣形模怪論雖蛇神牛思 然三家皆不云何人書也元王文定公惮跋此碑云 **衡云漢石經諸刻乃隸體八分夏承碑乃篆體八分** 威論書載隸有十八種此乃其間之一體宋鄭僑書 廣平府學後刻尚書蔡邕伯階及永樂七年等字乃 代筆陣堂堂者乎余由是始知為中郎之跡碑在今 **厖雜百出而衣冠禮樂已胚胎乎其中所謂氣凌百** 此碑隸釋云字體前怪唐人盖所祖述又引採庾元

とこりら かき 馬江陰徐子擴好奇士也當得信刻雙鉤其字近以 缺者四十有五字而此獨完好則其偽不俟乎言而 惠余與此絕異此云勤紹舊刻作勤約且其間字之 謂近歲恐即永樂七年余向官京師時廣平通判山 謂近歲廣平府民因治河得此盖廣平古沼地也所 庸妄人所加然心竊疑之楊文貞公集中亦有此跋 余昔日之疑始釋然矣金蘇琳琅 西宋孟清為余言府學後有一碑字與此類余益疑 金石文考界

多分に四百重 待辯而楊用修謂為漢刻之僅存者王元美亦云其 隸法時時有篆稿筆骨氣洞達精彩飛動非中郎 能豈所見別 疑碑非真跡又云江陰徐擴有舊刻缺字四十有五 都玄敬引證極博大各以此碑自元王文定公师定 此獨完好則其偽始信余亦覓得一紙非漢刻似 此字體竒怪鄭僑書衙謂其無篆體八分合數說而 為蔡邑書謂其氣凌百代筆陣堂堂洪丞相隸釋謂 一碑耶 松二 石墨鍋鞋

しくこりを とれて 子所藏夏永碑一本闕一百四字不知原碑所闕或 蕃觀同里卜氏所藏猶是宋時拓本今為土人所摹 有明嘉靖四年知府唐曜重刻今在漳川書院金石 輾轉流傳遺失之故也其後無尚書蔡邕伯喈及永 失其其矣曝書亭集 河隄得於土中崇禎癸未子年十五随第六叔父子 右漢淳于長夏承仲究碑在今廣平府宋元祐間治 文字記 金石文考界 ト

魯相請置孔廟卒史碑 多定四库全書 **信刻惟是此本筆法歸竒於雅含勁於圓古意监然** 樂七年等字都元敬謂庸妄人所加者幸無此辱據 似非後世所能攀王文定公讚為如夏金鑄鼎者殆 都云舊刻作勤約而此本作勤紹則又未敢遽定為 漢魯相置孔廟卒史碑今在曲阜盖魯相乙瑛上 八分書 魏斯目云光 職職 永與元年 碑在曲阜廟中

ここ) ここしに 帝紀元嘉惟有二年碑云元嘉三年三月者盖是年 碑中奏洛陽宮下有司徒公河南部四字 五月始改永與至十月而雄戒亦能矣金雄琳琅 此碑都元敬攷據甚明楊用脩金石古文全録之但 請置百石卒史一人典主守廟司徒吳雄司空趙戒 司空公蜀郡武都等一字意伯廿四字内闕六字而 和上書於司空府則永與元年六月也及之范史桓 以聞制從之蓋在元嘉三年三月後魯相平補以孔 金石文考界 字季髙

銀定匹庫全書 **圭所按何圖其敘事簡古隸法道逸令人想見漢人** 侍郎距永與且四十年此非元常書明甚未知張雅 今云意伯趙明誠云疑是避桓帝諱戒袁宏又作誠 風采政不必附會元常也碑中趙戒范史注字志伯 圖題記按此碑永與元年造元常獻帝初始為黃門 **砷後有刻云後漢鍾太尉書宋嘉祐七年張稚圭按** 二條石墨錫華 一公不之及何耶

變化無窮神情不滯所云郊廟俎豆者可遐想其概 灦 於合决為鍾無疑也其初書數百字筆畫渾淪全不 盖彼楷而存分法此分而存楷法其方正平達無不 主名然詳其筆意與余所藏縣書道德經同一軌格 器之碑也相傳以為鍾元常分書即古石質朴不志 此漢元嘉永與間孔子廟置百石卒史一人以掌祭 能以此立脚以老子言為橋梁入宣示門選其造 永接縫録末簡鋒銛盡出如羣峰亂水不可遏抑 ALL CHANGE

飲定四庫全書 善當在都所見本以前後云後漢鐘太尉書則後人 附會之耳銷夏記 千古之謬墨林快事 法象矣此學書人第一宗祖而多盲瞶何耶敬為開 之最不易得者都元敬謂此碑殘闕余所收碑則完 孔廟卒史碑文既爾雅簡質書復高古超逸漢石中 於鐘氏閫與也何難馬脫而由季直戎輅即無從見 余寄檢洪丞相隸釋見此碑列於第五而近世都元 在二文才子

上問何謂百户碑尚任奏曰歷代優崇之典於廟庭設 上由奎文閣西偏門出閱永樂弘治碑前至同文門觀 盖崇聖道勉學藝詞理俱暢而人往往缺之故敬為 置卒史碑今謂之百户碑 門右漢碑孔尚任奏曰此漢元嘉三年魯相乙瑛始 敬楊用修徐獻忠俱以此為第一豈先數者已零落 補之而記其説如此 不可得是刻在孔林尚無恙耶勉字下隱起是學字 蒼潤軒帖跋

しいっこ とうる

ř

皇上特恩一 記復設聖廟百户與典籍司樂管勾一體咨部題授 上命毓圻县疏上請是月 欽定四庫全書 朝選惟百户止由臣衙委於典制未全伏望 臣毓圻按元嘉始置百石卒史其職掌領禮器黃初 聖公孔毓圻奏曰今典籍司樂管勾皆奉 官四員與籍以教習禮儀司樂以典司樂舞管勾以 理屯田百户以守衛林廟謂之禮樂兵農四司行 體選設

守衛林廟司掃除放閉收掌禮器凡祭祀則造酒飼 食碑文是百石非百户而其職則今之百户職也歷 **牡燎炬滌濯陳設省斯至期充監宰官瘞埋血毛其** 才他無優者委用其職掌專司林廟户籍訓以武事 代復民供灑掃守衛率百户有差卒史初置選於孔 盖以漢之制禄秩自二千石至百石百石以下為斗 氏子弟其後選於諸儒生弘治十一年准於灑掃户 之韶則云令曾郡修起舊廟置百石卒史以守衛之 金石文考界 7

欽定四庫全書 皇上及古縣今隸其籍於司馬重其職於 官無不備之物所以尊吾夫子者百代莫與京也已 朝選青以游繳干極之任禮樂兵農爛然並列而祠 盖本於漢魏之百石卒史以其管灑掃百户之人故 服如各衛所百户其禄與管勾同在免糧田內支給 曾相乙瑛以孔子廟在闕里褒成侯四時來祠事 亦謂之百户云我 二條幸魯盛 典 卷:

儀河南尹百石卒史二百五十人黄霸傳補左馮翊 主守廟元嘉三年司徒具雄司空趙戒聞於朝詔如 即去朝有禮器無常人掌領請置百石卒史一人典 杜佑通典乃為百石卒史為百户吏卒我聞在昔有 為卒史秩百石者劉昭注漢書百官志引應的漢官 任之按漢書儒林傅郡國置五經百石卒史臣瓚以 瑛言選年四十以上經通一藝者乃舉文學據孔蘇 二百石卒史盖秋有不同故舉石之多寡别之今本

たとり回かまり

金石文考界

北海相景君碑 多気に四百言 為百户是難尸之類也曝書亭集 釋戰國策音義者更難口作難尸貽笑藝林以百石 七十八年圖經所云非也金石文字記 釋曰按圖經云鍾縣書繇以太和四年卒上距永與 今在曲阜縣中後人刻其上日漢鐘太尉書洪氏隷 八分書 右漢北海相景君銘其碑首題云漢故益州太守北 漢安二年 卷二

漢安二年北海相任城府君卒城下一字不可識當 傳子臨以無嗣絕安帝永初中鄧太后記封包弟遞 同時人也碑銘有云不永靡壽余家集録三代古器 亦無顯者漢安順帝年號也君卒於順帝時盖與逐 為景也漢功臣景丹封機陽侯傅子尚尚傅子苞苞 海相景君銘其餘文字雖往往可讀而漫滅多不成 為監事侯以續丹後自是而後史不復書而他景氏 文故君之名氏色里官閥皆不可及其可見者云惟!

次足四車全書 金石文考書

一十三

言太守獨曰銘辭曰誄亦屬未妥東京作者往往如 然而都玄敬録其全文止缺三十字不知何據玄敬 是而碑中眉壽作靡喜歐公以為古字通用良是五 王元美曰隷法故自古雅但益州部當言刺史不當 此石殘缺幾不成文效集古録盖自歐陽永叔時已 銘有云眉壽者皆為麋盖古字簡少通用至漢猶然 云家藏漢碑不完者皆以洪丞相隷釋足之此是耶 集古録

金多甲乃三三

火产四年全書 金石文者界 學不知何年移此此碑集古録云文字漫滅金石録 景君碑據金石録云在濟州任城縣今乃在濟寧州 古雅非溢美也銷夏記 漫滅惟碑陰差存其書方整有分法王元美稱之曰 此碑金石録云在濟州任城縣盖任氏在漢為任城 云此碑最完何也豈搨者有先後耶余所收本文已 墨錫華 人也余按濟州即今之濟寧州今碑乃在州學不知 一十四

金りせると言 宗來藏碑頗富無以余所好收録中間得於朋友之 景君碑陰列門下書佐及故吏等中有脩行凡十九 何年移置於此通志金石畧以不知其地故直云未 相類遂致譌謬余謂景君碑刻於漢而後漢書舊皆 百三十人而晉書百官志亦有循行以為循脩字畫 助者十常四五如此碑是也 人趙氏謂後漢書百官志注河南尹官屬有循行 姚江謝中舍大中近過濟寧獨以見惠余家自祖

ここりに 濟寧州儒學孔子廟門列漢碑五其制各殊北海 簡翁當言碑之有額猶身之有首裝者不可棄今觀 亦曰循行盖仍漢書之誤云然也二條金雖琳琅 此帙乃得其實也然洪跋謂任城有景氏三碑而近 本而信漢書且引晉書為證殊不知晉書修於唐其 世收者獨此何耶昔人謂漢碑在世猶鳳翎麟角不 出傳錄則以修為循者特傳錄之誤耳趙氏不信碑 可 因其殘剥而輕舍淵泉其慎守之也蒼潤軒帖 1.1. 金石文考界 二十五 相 跋

陰旁右壁工以不能椎拓辭余留南池三宿强令拓 本在任城其移置於學者必天歷問矣碑辭漫漶其 流尋漢刻泰山絕頂得秦碑閱歐陽趙氏著録斯碑 萬餘通上進類其副本為二百卷曰文海英瀾於濟 景君碑其一也地志不載何年所立余改之元天歷 得漢刻九於泗水中郭囉洛納新寄以詩云泗水中 問幽州梁有字九思曾奉勅歷河南北録金石刻三 之題名有督郵督盗賊議史書佐騎吏吏行義修行

叙定匹库全書

たこり自己等 邰陽今曹全碑 萬歷初部陽縣舊城掘得此碑中平二年造內稱全 遷則在四十四姓之外亦足資異聞也已 曝書亭集 亦不知也廣韻詮丘字稱漢複姓凡四十有四引何 午小史豎其云午者不載於續漢書百官志即趙氏 承天姓苑漢有司隸校尉水丘岑而斯碑有修行水 丘部營陵人又有修行都昌台丘暹故午都昌台丘 分書 中平二年 金石文考器 一十六一

金分四月分書 年諸賁和徳面縛歸死還師振旅諸國禮遺且二百 馬為曹寬非曹全豈即其人范史傅寫誤耶即紀功 勒攻鎮中城四十餘日不能下引去二說不合且司 萬悉以簿官按范史西城傅和德射殺其王自立京 者張大其詞而面縛歸死似非虛飾抑又何也碑 司馬曹寬西城長史張宴將諸國兵合三萬人討疏 州刺史孟伦遣從事任涉將燉煌兵五百人與戊已 為戊部司馬征疏勒王和德攻城野戰謀若湧泉威

ここりう こドラ 曹全碑歐陽公趙明誠都玄敬楊用修諸公豈得見 存者余曰神物顯晦有時寧無沉埋以待後死者如 曹景完碎萬歷年間始出部陽土中中惟一因字 哉相眠一笑 石墨鶴華 好無一字缺壞真可實也余曾與友人論及古碑友 稱光和七年史光和止六年盖七年冬十一月始改 元中平耳碑文隸書適古不減卒史韓初等碑且完 人曰吾革幸生此時猶得見漢晉人書恐後世無復 金石文考界 ニナと

多定四样全書 漢碑之存於世者今皆爲有惟託跡孔廟者問有 方以名侍御謫居郃陽茲乃見於世漢世近古民於 有餘年而字如新鏤幸矣此發自我師葉龍潭少保 之後夏為聚稱之長如此石者也自晚漢迄今二千 輝映漢石中之至野也銷夏記 缺餘俱完好且字法適秀逸致翩翩與禮器碑前後 不與浮在人耳目者爭一日之耀反可以發身干古 **二然或殘毀蓋世物之不可常如此不謂埋物土中**

火色羽草 白夢 情之譽皆令人神往即其字全不作意如僅辨筆 甚醇古且用二足字相連又以明手足之足與滿足 書法圓美此碑萬歷時出於部陽歲月未久故鮮利 門人蒲城趙善昌貽曹全碑碑在漢隸中最為完好 而後之作意求工者乃遜馬又於八分之體裁了然 之足可各押也墨林快事 可信令傳後知妄作者之為訛至於銘言三字為句 令君有元首之戴意猶可想而文家爾雅璞實無不 金石文考客

金为巴月白書 萬歷中部陽縣民掘地得漢曹全碑以其最後出字 都尉屯龍者而全以戊部司馬討疏勒又定郭家之 糜侯相鳳之孫鳳當上書言焼當事得拜金城西部 畫完好漢碑之存於今者莫或過馬按碑文全為喻 雄琳琅未及見也碑尾署中平二年十月丙辰造帶 經堂 缺趙城石墨鐫華于变正金石志始載之都玄敬金 亂信不愧其祖矣時人語曰重親致歡曹景完盖其

禁網隐家巷者七年可以補後漢史黨錮諸人之關 史載疏勒王臣磐為季父和得所射殺而碑云和德 孝友若是宜士君子顧惜清議而自好者不乏也全以 馬曹寬而不曰全又云其後疏勒王連相殺害朝廷 弑父篡位德與得文亦不同史稱討疏勒有戊已司 以同産弟憂得棄官歸以此見漢代風俗之厚其敦 孝友之性尤人所難能也嗚呼今之為吏者雖遭父 母之喪必問其親生與否投牒再三始聽其去而全 行らたお客 二十九

欽定四庫全書 字畫完好較之字內所存東漢諸碑剥落殆盡好古 漢二百餘年傅聞失真要當以碑為正也曝書亭集 漢法矣癸丑春夏之交養疴荒園晝長多暇漫臨 漢部陽令曹君碑神廟初始出消水磧中未經發蝕 亦不能禁而碑云和德面縛歸死司寇盖范蔚宗去 識以求教谷口小弟鄭簠 通勒於灌木樓中是歲臘月謁天壽山晤左羽先生 之士未有不問筆與歎者也此碑一出東南漸知有 卷二三二二 汝器先生臨本書後

司隸校尉魯峻碑 1. 1) L. 1.E. 者之孫修武令之子治魯詩顏氏春秋舉孝應除郎 中認者河内太守及辟司徒司空府舉高第御史東 司隸校尉遭母憂自乞拜議郎服竟還拜屯騎校尉 郡頓丘令遷九江太守拜議郎太尉長史御史中弘 右漢魯峻碑云君諱峻字仲嚴山陽昌邑人監營謁 以病遜位熹平元年卒門生于商等二百三十人諡 八分書 熹平二年 金石文考答

飲定四庫全書 魯君碑二者莫晓其義治平元年四月二十三日 後為屯騎校尉而碑首題云漢故司隸校尉忠恵父 隸校尉魯恭冢冢前有石祠四壁皆青石隠起自書 古録 見漢官之制如此惟云遭母憂自乞拜議郎又其最 經注引戴延之西征記曰焦氏山比金鄉山有漢司 右漢司隸校尉魯峻碑云君諱峻字仲嚴雕道元水 曰忠恵父其餘文字亦粗完故得遷拜次序頗詳以

ここし こうこうことう 邊皆刻石記之今墓與石室尚存惟此碑為人輦置 字明白可識趙氏果有其本何乃不知而必證之以 志寰宇記皆作峻而辨水經之誤余家舊藏此碑峻 漢司隸校尉魯峻碑水經注以峻為恭趙氏謂方輿 經注誤轉寫為恭爾金石録 契以來忠臣孝子貞婦孔子及七十二弟子形像像 任城縣學矣余皆得石室所刻畫像與延之所記合 又其他地里書如方與志寰宇記之類皆作峻惟水 余石文考界 <u>=</u>

銀定四库全書 徐浩古迹記其殺邕書惟三體石經西岳光和殷華 此足以祛歐公之感鄭夾添又謂此碑書於蔡邕按 之官揭之司隸官尊而職清非列校可比故書之也 馮敦數碑及及其他字書亦未聞邑當書此不知鄭 云司隸校尉莫晓其義隸釋云漢人碑志或以所重 地里書也歐陽公謂峻最後為屯騎校尉而碑首題 右臂君碑燕平二年四月立隸書額穿其中文十 氏何所據也 金強琳琅

たとり声かか 峻後為屯騎校尉而額題司隸者隸釋云漢人書碑 壁畫象非此碑也 或以所重之官揭之司隸權尊而秩清非列校可比 城縣學至今存馬相傅是蔡中郎書惜其文不入集 注亦載此碑而誤以峻為恭令按水經注所載乃石 亦猶為絕舍廷尉而用車騎也趙氏洪氏皆云水經 中石外崩剥催識其百一而已曝書亭集 行本在金鄉山墓側趙德甫撰金石録時已輦置任 祖南原 隸辯 碑及 金石文考界 11-1

豫州從事尹宙碑 新员四届全書 遺是本烟楮悉舊對之如百年前物尤為盡善太原 豫州從事尹宙碑今在鄢陵縣豫字磨滅以其賴 熈乙已秋八月 傅山青主藏樵李曹溶潔躬審定朱縣尊錫鬯書康 尹宙碑土中晚出文字尚完結體遒勁猶存篆籀之 分書 而言本州知其為豫州也 燕平四年 曝書亭集

省氏字也河東郡自有楊縣又鉅鹿之鹿不當從金 右碑是漢靈帝時作前無題後無書撰人名長一丈 位不福德福字亦副字之誤二條金石文字記 吾卒官今碑曰楊縣按楊氏縣屬鉅鹿郡於文不當 左傳襄公三十年傅有尹言多當周景王之世漢書 餘廣四尺許額中一孔徑三四寸孔傍有篆書從銘 酷吏傅尹賞字子心楊氏人也以右輔都尉遷執金 二字文是隸書如祭中郎筆近日鄢陵地中得之嘉 金石文考界 =+=

欽定匹庫全書 復以貽余者也金石文 靖十七年通政鄢陵劉韵以貽許吏部穀董生子元 全文所云仕郡歷主簿以下二十字極明豈不知無 見之本傳拓不清以為磨滅耳按金石文字記載有 功曹守昆陽今州辟從事而已無豫字也或亭林所 甚完好無一字磨滅惟云仕郡歷主簿督郵五官禄 豫字磨滅以其潁川人而言本州知其為豫州今碑 顧南原碑改云金石文字記作豫州從事尹宙碑云

たこりはない 博陵太守孔彪碑 從銘二篆字金石文亦云有篆書從銘二字而余本 所見之本亦然故以無豫字為疑耳又南原云額題 豫州等字而謂豫字磨滅也余所藏無標題想南原 無之金石文字記亦不言有此二字盖碑本不同如 豫字而云然耶當是亭林所見之本其首行有標題 、分書 光暎識 建寧四年 金石文者書 在曲阜縣

金月日月白書 右漢博陵太守孔彪碑按碑彪字元上孔子十九世 錢名字或其門生故民非其子弟所置也彪名及字 所見不及令本耶書法媚美開鍾元常法門矣銷夏 元上碑中猶存集古録謂名字磨滅不可見豈當日 云博陵或碑乃博陵故民所建每閱漢人碑陰載出 按彪為孔子十九代孫仕終於河東太守而碑額仍 孫與孔宙盖弟兄行當為尚書侍郎治書御史可謂

夏屋之傾相與立碑遂以本郡題其額也此或得之 顯矣闕里志世表宗譜皆不見其名字微此則世不 然子觀漢碑亦往往有書前官者又似不必拘此金 右孔彪碑陰故吏出博陵者凡十有三人故其額不 復知有彪矣 右漢博陵太守孔彪碑曲阜石闕多置孔子廟廷獨 石録乃云不知何謂非也二條金雄琳琅 稱後官而直書博陵洪氏以為故吏函甘常之惠痛 7.1.2 1 1 1.2 24 ミトシ

欽定四庫全書 皆已趙明誠以為碑雖殘缺名字可識諱彪字元上 有張表衙方夏承王純侯成戚伯著諸碑皆宋時拓 修關里志改彪為震都少卿移遂謂撰志者遊之不 證以韓物史最二碑率錢人姓名是本囊見之於宛 此碑在林中歐陽子集古錄第云孔君碑惜其名字 知震即彪字之誤也孫氏所藏漢隸約三十餘種尚 平孫侍郎宅文愈斷爛諱及字形模尚存乃弘治中 本令盡散候親此如觀故人又絕類部陽令曹全筆

漂陽長潘乾校官碑 也 此碑雖剥落已甚然字有挑法漢人中出色者 **養潤** 法此正永叔所云碑石不完者則其字尤佳古哉言 水即漢深陽地也余初得此碑而不知其有釋文近 右漢漂陽長潘乾校官碑在今南畿漂水縣學盖漂 軒帖跋 八分書 曝書亭集 光和四年 こう こまりる 有單禧跋 11/4/2

欽定四庫全書 禧謂此碑宋紹與中縣尉喻仲遠得於固城湖濱置 乾元卓立其出也晚故猶未漫漶辭稱惠我超縣種 紹與十三年溧水尉喻仲遠得漢碑於固城湖中驗 及訂碑文與隷釋不同者二十七字而復辨深陽志 之官舍則其得免於毀棄仲遠之力也禧又有跋謂 始得之乃元至順四年校官單禧所為而刻之者也 之失可謂有功於文字者 之則靈帝光和四年漂陽茲尉吏據為其長潘校官 在二十八十十 金雞琳琅

宋趙彦衛雲麓漫鈔曰范蔚宗後漢書永平十年閏 黎蓪蒸犂字乃倒用之其曰尚旦在昔我君存今盖 民人所瞻以證詩桑柔瞻字可讀為彰今此碑正作 民人所彰子子孫孫伴爾熾昌宋具城韻補引之作 好嘉實則東漢時縣有校官矣碑詞末云永世支百 **堪召校官弟子作雅樂奏鹿鳴帝自御塌篪和之以** 月中午南巡行幸南陽祠章陵日北至又祠舊宅禮 以周公太公喻乾擬人非其倫矣曝書專集 11 金百文考界 ニナモ

欽定四陣全書 郎中鄭固碑 右漢郎中鄭固碑文字磨滅其官閥卒葬年月皆莫 才老時此碑未出或據類文録之耳金石文字記 彰字不知才老何所據而改為瞻也單禧跋云宋紹 至行立乎鄉黨初受業於歐陽仕郡諸曹禄史主簿 可及其僅可見者云君諱固字伯堅孝友著於閨門 與十一年源水尉喻仲遠得於固城湖濱置之官舍 (分書 延張元年 在潛寧儒學

J. 17.2 1.45 零落之餘尤為可惜也集古録 郎中爾漢隸刻石存於令者少惟余以集録之勤所 督郵五官禄功曹又曰忠以衛上清以自修其餘殘 月皆莫可及余家本磨滅尤甚盖以去歐公之遠也 右漢郎中鄭固碑歐陽公謂碑文磨滅官閥卒葬年 得為獨多然類多殘缺不完盖其難得而可喜者其 惟其碑首題云漢故郎中鄭君之碑以此知其官至 缺不復成文又云延熹元年二月韶拜而不見其官 金石文考得

多定匹库全書 也 及也歐公所録在隸釋之前而乃云云若此不可晓 不可辨識含之去明年冬同崑山顧寧人嘉定陸異 碑五左二右三郎中鄭君固碑其一也碑文全漫漶 已酉之春泊舟任城南池步入州學見儀門旁列漢 四月廿四日遭命隕身年四十二則門閥與卒固可 而隸釋所載文字獨完其云君者君之子延喜元年 一觀比平孫侍郎藏本文有遊通字寧人謂是遊巡 金雄琳琅

是當讀如足縮縮如有循之循以為假借則可不得 存天地間故於諸書疑義未盡断爾曝書亭集 韻邊通沒三字牵連書之均七倫切音義則一説文 循又謂遂通之與文筆之金石文字記以余及之集 謂之異文矣寧人作音論惜集韻不存未知是書尚 之與文退而引三禮注以證之且博稽晏子春秋作 釋趙字云乍行乍止也通字雖音徒困切而配之以 巡遊漢書作邊循莊子作蹲循靈樞經亢倉子作遵 ショ こちな 1. F (L)

郭有道碑 欽定四庫全書 战石墨錫華 磨泐而王正已再刻之秀才所盗之石竟不得出其 竟一紙乃正已重刻者深恨不得原刻近有晉人為 余言舊石曾有一秀才極愛之母往碑下摩挲累日 此碑在介休余邑人王正已曾為其縣令余從其家 介休縣城東有徵士郭林宗宋子浚二碑宋冲以有 夕盗碑舁去縣今無奈重刻一石以應求者後又

COLUMN TIME 路以髙崎真命不融享年四十有三建寧四年正月 **喈撰伯喈謂盧子幹馬日磾曰吾為天下碑文多矣** 蹈洪崖之遐迹紹集由之逸軌翔區外以舒異起天 道司徒徵林宗辟司徒舉太尉以疾辭其碑文云將 遠來奔喪朋友服心喪暴年者如韓子助宋子沒等 銘景行云陳留蔡伯喈范陽盧子幹扶風馬日磾等 丁亥卒凡我四方同好之人永懷哀痛乃樹碑表墓 二十四人其餘門人著錫衰者干數其碑文故蔡伯 金石文考界 19

九疑山碑 多定匹库全書 皆有輕容唯郭有道無愧於色矣水經 漢碑既亡榻本亦少而二京遺法付之夢寐金石古 法甚嚴可以闢後人之訛然既無可證真贋何以别 文用修容有補以史傅等書者此蔡邕九疑碑銘分 砰在廣西梧州府 半余藏宋版漢隸分韻諸碑略備欲類出各為一本 分 祭邕書 有李襲之題 注

白石神君碑 ここりうこここう 過失其十二三遂休此志可惜也 a 墨鶴華 白石碑不甚剥落光和四年民盖惠等為無極山詣 右漢白石神君碑在無極縣立石者常山相南陽馮 碑文云居九山之數叁三條之壹語殊荒磨銷夏記 亡者缺之良足大觀後此書寄一友人邸中為水所 太常求法食至六年而聚民比例為白石神君以請 八分書 光和六年 金石文者器 19

銀定四庫全書 禁於將的乃巡湖輕信巫言輛代為之請何與非所 常索法食越二年具載神君始末上尚書求依無極 言即與封龍無極共與雲雨賽以白羊高等遂請太 宜也然所云盖髙者合之無極廟碑特常山一妄男 山為比即見聽許盖斯時巫風方熾為民牧者宜潛 子爾先是光和四年巡詣三公神山請雨神使髙傅 神廟碑略同文稱神君能致雲雨法施於民則祀之 巡元氏令京兆王翊與歐陽氏集古録所載無極山 卷二

大八日日 八年 建於光和六年是歲妖人張角起矣眼書序集 雖有光和紀年或後人用舊文再刻者爾赫釋 **甄石神君壁神君名號殆因白石而充類名之者碑** 云國將亡而聽之神者與碑陰有務城神君李女神 上整齊略無纖毫漢字氣骨全與魏晉間碑相若 分隸固有不工者或拙或怪皆有古意此碑雖 金石义考界

金灰四月白書 金石文考客卷二